



UENUIPANITAKANIT AIMUN

SHAPUTUE KA UNUIPANITAKANIT

Katshishkutamuakanishiht kiatshtinaht ukanumuaua | Tshissinuatshiataut

ESHAKUMIPIUNA KA MISHTA-MAMUITUNANUT KATSHISHKUTAMUAKANISHIHT E USSI-KATSHITINAHT UKANUMUAUA ANITE KAMAMISHISHTINITI

Uashat, 20 shetan-pishim^u 2023 | Mashinaikanitshuap Tshakapesh mishta-ashineu kie mishta-minuenitam^u minuat kutunnu-tatuau ashu patetat (15) shash tshe tutak Kamishta-mamuitunanunit eshakumipipuna katshishkutamuakanishiht e ussi-katshitinaht ukanumuaua anite kamamishishtiniti (*GRANDIS*, ushkat kapapeikushteti eshi-unuipaniti eshnikatet nenu tshe mishta-aitutuakaniht katshishi-tshishkutamuakanishiht). E nishu-tshishikanit, peik^u e tshishtaauakanit upau-pishim^u 2023, ne tshe aitananut, anite tshika tutakanu Innu Nikamu takuaki, miam ushkat ka ishi-pimutenanut.

Ume pipun, tshika pushukatakanuat mamu ka taht ka ussi-katshitinaht ukanumuaua 2022-2023. 60 uiesh itashuat katshishkutamuakanishiht mishue innu-assia uetshipaniht ute tshiuetinit, piekuakamiunnuat kie puatshishaimunnuat.

Ne Kamishta-mamuitunanut eshnikatet *GRANDIS* 2023 anite tshika tshitshipannanu metueutshuapit Teueikan, Mani-utenam. Maniteuat tshe taht tshishe-utshimat uetshipaniht mak innu-katakuaitsheshiht. Tshika minuatshimakanuat katshishkutamuakanishiht katshi utitaihk umenu tshissinuatshitakannu.

Neshkumakaniht katshishkutamuakanishiht, uinuau tshe tshissinuapamakaniht innit miatinueht ashineunnu anite uikanishuat. Eukuannu umenu ka atushkatahk tshetshi mishta-aitinanunit mashinaikanitshuap ashit uitshi-atussemanuaua. Iapit ume nitatshikashinataimuanan (nitshissinuatshitauanan), nuitshi-atussemakannan *Arcelor Mittal*, tshe patshitinakannit utatamishkatsheun Aishkat eshnikatenit.

Eitatusseshtakanit | Mashinaikanitshuap Tshakapesh

Mashinaikanitshuap Tshakapesh atusseshtam^u innu-assia ka tapishinniti anite ut mashinaikanitshuapit kie kassinu innua. Atusseshtam^u tshetshi ushimutuananut kie tshetshi mishituepanitakanit innu-aimun mak innu-aitun. Ushkuishtam^u e uauitshiaushit tshetshi kanuenitakannit innuat eshinniht, eshi-uaveshi-tshitapatakannit innu-aimunnu kie shutshiteieshkueu nenua kamatau-pikutashinini. Mashinaikanitshuap Tshakapesh nukutau utatusseun anite tshishkutamatunit, ashit tshetshi minupaniht katshishkutamuakanishiht kie tshetshi minunishtuapamitishuht kaiauassiuht eshinniht.

- 30 -

Dan-Georges Mckenzie, coordonnateur des communications

Institut Tshakapesh

418 968-4424 | 418 961-3332

dan-georges.mckenzie@tshakapesh.ca